

**AD EMINENTISSIMOS
CARDINALES PRO
COMITE LUDOVICO
CALINO CARDINALI
NOVISSIME ELECTO...**

Domenico Mori



AD EMINENTISSIMOS
CARDINALES

Pro Comite

LUDOVICO CALINO

CARDINALI NOVISSIME ELECTO

O R A T I O

AUCTORE PRESBYTERO

DOMINICO MORI

CREMENSIS CLERO

SIC DISPONENTE ANNO MDCCLXVI.



PLACENTIAE

EX TYPOGRAPHIA JOSEPHI TEDESCHI.

SUPERIORUM PERMISSU.




Uod jamdiù optaveram, Eminentissimi Ecclesiaz Proceres, de Clarissimo summoque Viro in medio vestrum collocato, honoribus aucto, ac dignitatibus, verius permulta, quam satius in hanc producere lucem, id mihi commodius efficere, nescio quæ secunda fortuna, aut prosperum fatum indulsit. Et quamvis eam mihi placatiorem illud æquius periclitari enixè, sed frustra curaverim; de præteritis tamen injuriis nil mihi dolendum reliquit; dum antea acti ævi noxas in hodierna gaudia, ac felicitatem commutavit. Jam videtis de Brixienti Clarissimo Cive, Ornatissimo Præsule (utinam adhuc meo), Patriarcha amplissimo, demum, faventibus Diis, æquis quibusvis plaudentibus, nemine non approbante, Cardinali Eminentissimo Comite LUDOVICO CALINO institutam Orationem meam. Quid namque optatius mihi, ut exercitationis meæ in dicendo particeps singularis laus ejus aliquando fieret; si (ut ait Tullius) (a), quoad longissimè potest mens mea respicere spatium præteriti temporis, & pueritia memoriam recordari ultimam, inde usque repetens hunc video mihi principem & ad suscipiendam, & ad ingrediendam rationem

A 2

borum

borum studiorum extitisse? Hanc igitur gratiam par semper arbitrati sumus referre Ei, a quo hujusmodi disciplinam, & doctrinæ suæ exemplo, & methodi ratione, consilio, ac stimulis adjunctis comparavimus. Quapropter si per hanc artem cæterorum laudes, quantum licuit ingenio nostro, celebravimus; Hic jure suo fructum aliquem ex ea referre debuit, quæ, totum quod est, certe leve, Eum auctorem adiutoremque cognoscit. Verum si antea facinus hoc suscepissẽ & hortando, & suadendo, ut maximum quoddam ornamentum tribueretur Ei, qui & magnitudine animi, & rebus præclare gestis esset jam optimè meritis, quis me temerè fecisse, non esset arbitratus? Nunc vero, dum nullo suadente, hortante nemine, dignus adjudicatus est, qui Purpura indueretur, & Byssò, quis non annuet, me laudantem quod optimè factum est, quod cuncti laudant, reprehendit nemo, jure fecisse? Id Brixienfis Patria, quæ in Adolescente optimæ spei tamquam in matutina luce diei advenientis collucentes radios auspicando permagnum quoddam præstolabatur: id Cremensium Civitas, quæ tamquam ineunte splendido die, sereno Cælo, meridianum fulgorem sibi pollicendo, hoc Pastore, fulgidum quoddam intuebatur: id Urbs Roma, quæ tamquam a meridiano aeris nitore labentis diei vespertinam lucem vaticinando, eo Patriarcha, ac Commendatore honoribus cumulatam prospiciebat: id Orbis, quo ejus nominis fama pervenit (quo enim non pervenit?), laudat, & est probaturus. Quæ cum ita sint, si is verus Dignitatum honor meritò prædicatur, quem Virtutes, & Merita pepererunt; pudeat fortunam ipsam, quæ sæpessæpius, secluso merito, ad altiores Gradus exivit innumeros, in CALINI novo splendore ac maxima Dignitatis excellentia nullam sibi licet minimam partem vindicare; quippe qui Virtutibus, & Meritis, omni prorsus seclusa fortunæ ope, unicè sibi tantam Gloriam comparaverit. Virtutibus, inquam, & Meritis in adolescentia, in qua omnem expectationem optimam præferret: Meritis, ac Virtutibus ineunte ætate, qua communia Vota ipsi honoris cumulum præcarentur: Meritis, & Virtutibus maturescente ævo, quo quisque



que non invidus ipsi, ac Vobis acceptam Dignitatem concordi animo gratularetur.

Inutile procul dubio arbitrarer in LUDOVICI CALINI laudibus celebrandis paulisper immorari in serie recensenda summorum Virorum, qui perillustrem Domum vetustate generis, muneribus amplissimis, rebus preclare gestis ornaverunt; cum veram prorsus nemo putet eam esse laudem, quam quis indiget ab alienis Meritis mutuari; nisi congruum admodum videretur de præteritis mentionem facere, quæ in præsens reviviscunt; atque in ejus magnanima indole Veterum expressam imaginem recognoscere. Siquidem ita eorum claris Virtutibus, facinoribus strenuis, negotiis maximis studuit conformari, ut non alienum ingenium duxisse ab Avis, non a genere illustri deneger extitisse, sed ad Majorum illustre exemplum compositus videretur. Quinimò Majoribus Major: quoniam his stimulis actus, iisque ductus Veterum disciplinis, quod in pluribus & singulis refulsit, studuit in se uno conflare. Is enim excellentium Posterorum sit animus oportet, nedum ut Generis amplitudinem æquet, sed gloria longè majori a certis finibus erumpens, contendat æmulari famam, ejusque terminos præterire potius, quam æquo gradu metiri.

Sic enim ejus Majorum effulsit illustre nomen, ut inter hujus Familiæ Veteres Cæsius Calinus magnoperè resplendeat, qui in obsidione Damasci, cujus arces expugnabantur ab Imperatore Conrado, impatiens quod capta Urbs venire in potestatem hostium retardaret, scalas solus sine comitatu aptavit Munitioni; ac rapido cursu summum pertingens Aquilas Imperatoris locavit in Vallo, ibique defixit. Adeo supremo Duci placuit magnanimum facinus, ut concefferit eo, uti Stemmate, Scala scilicet & Vexillo, quo adhuc utitur clara Domus, ne Virtutis memoria oblivione deleteretur. Ita reliquit suis magnum animi argumentum, quem sequerentur, & Patriæ ornamentum, quo delectaretur.

Ac ut omittamus cætera, quæ strenuè Belli peracta sunt, aliud ornamentum a Progenitoribus ductum videamus. Siquidem Mutium Archiepiscopum Jadrensem e Calinia Familia

prodiisse, ne dum in ejus Fastis, atque Stemmate reperitur, verum Tridentino Concilio interfuisse, idque juvisse consilio, doctrina, auctoritate, maxima & clara extant monumenta. Cum plurima id genus non lateant Brixiensem Patriam, quæ Caliniæ Domui lucem afferunt atque decus in Armis, Litteris, cæterisque muneribus amplissimis, supervacaneum putamus in Historia immorari diutius, quæ enim breviter diximus, facilem ad ea, quæ fufius sunt dicenda, parabunt viam.

Quis igitur esset futurus ac quantus a juventutis ejus susceptis institutis facile conjiciemus, dum a tantis Viris prodiens cum sanguine illustri magnanimum retulisse animum, ac nobilissimam indolem auisset videbatur. Quam jucunditatem non attulit Parentibus, imo quam spem, dum cerneretur in ipso adhuc adolescentulo humanitas cum gravitate, comitas cum prudentia, cum hilaritate majestas, cum Litterarum studio perseverantia tanta ut ingenii ejus moderatoribus fieret per jucundus sociis, satis carus invidis, tantum molestus. Æmulus tandem præstantiæ, ignaviæ hostis ac otii, studiosiores contendit excellere; ex quo scatebat facile, ne dum mentis acie cœvos præstare, sed in exiguo, & imbecilli pectore inesse magnitudinem animi, ac robur Virtutis. Super hanc speciosam indolem animadvertens Cardinalis Baduarius Brixienfis Episcopus tum florens sanctissimis disciplinis, nec non sublimiore sapientia, sive futura prospiciens supremo Radio ictus vaticinio, sive ratione usus perspicaci arguens divinatione, prædixit ornatum juvenem in Cardinalitiæ Dignitatis Eminentia locatum fore.

Hæc agebantur, ut ita dicam, in Prætextæ dignus equidem qui a concivibus suis vocaretur (ut quondam suus a Romanis ex Caligolæ Plebiscito Tiberius) Princeps juventutis. Cum ætate jucunda Dotes animi crescebant in dies, quibus gradu concito ad majora properabat. Quare, deposita prætexta, clericali Veste indui suavit princeps Virtutum, Religio ac Pietas. Ut vero animus iis Ornamentis potiretur, quæ Virum parant ad Dignitates obeundas, incæpto opus esse adjudicavit; & omni sublata mora Urbem Romam profectus est; & Col-



Collegium Romanum ingressus mirum est quantum brevi lun-
gum tempus expleverit in scientiis comparandis. Non tantum
apprimè carus inter septa Collegii, verum summis Viris, at-
que Dignitatibus apprimè acceptus colebatur familiariter; in-
ter quos remota prospiciens, ac se te parans ad futura sapien-
tiores sibi devicit, ac Potentiores. Hoc studiorum genere ex-
cultus animos plurimorum lucratus est; quos inter amiciores,
diutius Romæ immorari, quam decreverat, eo consilio ade-
gerunt, ut Præfecturæ Romanæ se dederet; quoniam tot tan-
tisque affluebat naturæ, & artis præstantiis, ut magnam spem
sibi fore pollicerentur. Exitus tandem consilium feliciter com-
probavit. Felix mora, quæ eum Romæ detinuit! quoniam li-
cet obsistente nimia juventute non tulerit tunc ad eminentiam
Dignitatis, viam tamen non obscuram, quæ maturo tempore
premeretur, indubiè detexit: eas enim omnes artes scrutatus
est, quibus Meritum, proindeque Dignitas comparatur.

His munitus præsidiiis reversus domum Lux quædam nova
visa est addi inclitæ Urbi, munus amicis, Parentibus gaudium,
Præsuli verò & Clero adjutorium, & ornamentum. Præ-
omnibus Eminentissimus Cardinalis tanti Viri captus Virtuti-
bus consilium cæperat iis, qui penes se essent, honoribus cu-
mulare. Ornavit primum Canonicorum cætum, cum CALI-
NUS inter Canonicos illatus est. Ecce primo initiatus gradu,
ut via esset ad postremum paratior. Indiget auxilio, ut præ-
sit quis augusti Templi Ædificio, quod tum a fundamentis se
se altius egerat? CALINUS præficitur: ac Munus vigilantia, so-
lertia, studio explevit egregie: non defuit Operi labore, prof-
pexit omnia, nihil neglexit. Indiget adjutorio, ut Catechismi
Cristiani maximum opus restauretur? CALINUS præficitur: non
defuit curæ, incommodis, conatibus, quibus tanta floresceret Di-
sciplina. Omen aliquod mihi videor videre in hac duplici præ-
fectura ad Templum Dei, & Fidei rudimenta, quod tamen
prætereo silentio, ne videar Vatis potius explere partes, quam
Oratoris. Indiget consilio in rebus arduis? CALINUS exquiritur:
non defuit prudentiæ, maturitati, sapientiæ. His artibus ani-
mos devicit omnium, & multorum studia est assecutus.

Meritum tanti Viri jam eo devenerat, ut honores hucusque relati non satis esse viderentur. Propterea novus aperitur aditus, per quem altiore Gradum ascendens, & sic crescente copia Meritorum facili negotio ad eminentiores progrediretur.

Faustinus Joseph Comes Grifonus a S. Angelo jam ad postremum dierum deveniens, ab hac Cremenſi Episcopali Sede ad meritorum præmium accitus hanc lucem reliquerat beato Lumine fruiturus. Pendebat animis Clemens XII. In eligendo, qui damna hujusce Diœceſeos ita reficeret, ut jactura recens, quæ tantum mœrorem invexerat, repararetur; quique communem ita leniret dolorem, ut ad pristinam vexatos animos revocaret tranquillitatem. Videbat enim permagnum munus ac gravissimum pondus imponi ei, qui tanto prædeceſſori adveniebat, quocum æmulatione Virtutum eſſet decertandum: comparatio ſiquidem Virtutis ad Virtutem, Meriti ad Meritum, honoris ad honorem aptiores percellit animos acrioribus incitamentiſ; ac demum in maximo ſe eſſe diſcrimine quis facile ſentit. Tandem convertens oculos in collucentia CALINI promerita, ac ingenii Dotes, non longe abſuit ab optimo conſilio, eum ad graviffimam curam deligendo: unum Ipſum ſecum reputens certe idoneum, qui comparationis pondus immane validis viribus ſuſtineret. O præclarum conſilium, ac prope divinum! Quantam tibi gratiam habuit Cremenſis Eccleſia, cui ita provide conſultum eſt te Auctore, ac in tanto beneficio accepto muneratore! Porro dilucide in ſuo feliciffimo ductu CALINUS ſignificavit, ultra tuæ mentis menſuram longe majorem exiſtiſſe, quam ſperabatur. Non ſolum enim Præceſſorem in integrum æquavit quo ad ea, quæ conducunt ad ſanctè beateque vivendum, verum in iis anteivit, quæ ad cujuſvis ordinis ſocietatem conferunt, id eſt ſtudio, vigilantia, conſilio, in rebus agendis ratione, ſapientia in diſponendis, peritia in politicis, alacritate in difficilibus: fuit denique par pietate, major conſilio; liberalitate par, alacritate major; par ſtudio Virtutis, major ingenii acie, ac mentis præſtantia.

Primum attulit de hoc argumentum in iis diſcuſſionibus, quibus



bus utitur Romana Curia in probandis illis, qui ad Episcopale munus deliguntur. Tanta enim Canonum peritia, tanta Theologiæ subtilitas, tanta Traditionum affluentia prodiit in palam, ut Præsides capti copia sententiarum exclamaverint, se in hujusmodi arena nunquam tantarum mentis virium disceptantem audivisse: ex quo factum est, ut probationem præcederet gratulatio. Jam fama magni nominis Sapientiæ, & Pietatis hucusque perlata erat; & optabamus ut eum non laterent vota nostra, quibus impatiens quisque jucundissimam ejus præsentiam præstolabatur. Memorabilis dies in Fastis hujus Urbis signandus tandem advenit, qui serenior effectus mœroris caliginem in lætitiæ ac exultationis hilaritatem commutavit.

Quam admirationem ejus sapientiæ, eloquentiæ, & majestatis non attulit illa dies lætissima Paschæ, cum primum Pontificiis ornatus insigniis Cathedram ascendit, ac ad Populum illam robustissimam Concionem habuit, cujus & robur Orationis cum suavitate conjunctum, & copia sententiarum omnium rapuit animum, atque demulsit? Ad hunc locum liceat de cæteris Homiliis ejus plura perstrictè commemorare; ne ad hoc idem, quod semel tetigimus, rursus redire videamur.

Non latebat enim sapientissimum Præsulem, onus pascendi Gregis in Doctrina sana esse humeris Pastorum forte primum & maxime formidandum. Ab eo negligendo CALINUM deterrebat vix illud divinis in Libris illis Pastoribus pronuntiatum, qui pascebant semetipsos. Perinde ac si sibi uni esset indictum solemnibus festis diebus ab Oratione vehementi & suavissima numquam abstinuit; tantaque conveniebat frequentia Populi, ut in Templo cæterum capaci deesset spatium, ac manere extra limina cogeretur. Quoties me hanc admirante piam Crementium anxietatem, mens coegit ad recordationem Romanorum, qui matutina luce certatim ad Theatra properabant, ne sibi sedes, neve spectaculo privarentur.

Non sustinuit sollicitudinis vim Pastor impatiens, quin illis remediis quamprimum manum afferret, quorum Gregem indigere arbitraretur. Ad invisenda igitur Delubra omnia Urbis

se contulit citocitiſ, quam peracta integram Diœceſim luſtravit accuratiſſimè. Mirum eſt quanta egerit, quantum laboraverit, quæ perfeceri! Omnia proſpexit, omnia periclitatus eſt, ut tollerentur abuſus, qui invaluerant, corrigerentur corruptelæ, quæ irrepleſerant, reſtauraretur diſciplina, quæ corruerat. Dux ipſe in omnibus: piſſimis concionibus præibat omnes: primus in rudimentis fidei explanandis, in Confefſionibus audiendis, in reliquis Sacramentis adminiſtrandis. Mirum eſt quanta humanitate ſit uſus, ac tollerantia in deviis ab impiorum via revocandis, quanta diligentia ignaris erudiendis, quanta jucunditate optimis confirmandis. Jucundiſſimum viſu in Catechiſmo Fidei tantam cernere majestatis gravitatem inter puerulos verſari familiariffime, erudire, monere, ſuadere, ut ſummum Bonum diligenter, colerent, vererentur. Jucundiſſimum viſu inter pauperes cernere tantam dignitatem verſari velut inter amicos, eoſque ſolari, eis opem ferre, addere animum, fore ut vexata caro, & infelix humanitas poſt ærumnoſæ vitæ curſum requieſcat: quo in ſpe futuræ felicitatis erigebantur. Jucundiſſimum viſu tantam cernere animi integritatem inter obduratos verſari diutius, & peccati turpitudine propoſita pulcritudine virtutis per vim orationis tenacem nexum infringere, ac a ſcelere deterrere. A labore tandem non prius ceſſavit, quam incondita excitaverit, diruta reſtauraverit, reſtaurata perfeceri, perfectæ oxornaverit, exornata vero firmaverit ad perennitatem: uno verbo, enixe contendit, ne quid remaneret infectum, ut eſt in laudibus Cæſaris:

(a) Nil reputans ælum, ſi quid ſupereſſet agendum.

Statu igitur integre diœceſeos explorato, ſupererat per Leges iis remedium aſſerre, quibus in præſentiarum commodè ac perſeveranter præſto eſſe non poterat. Synodum igitur indixit, congregavit, perfecit, ita providis ſtatutis elaboratam, ut nil reliquum eſſet, quod optaretur. Si labor tantus a noſtris laudibus exornatus eſt, mirificiſ eſt celebratus apud Romanos: quoniam Romam delatus, ab illis Viris in Legibus, & ſtatutis peri-



peritissimis dignus iudicatus est sapientissimo Præsule, ac de Ecclesia benemeritus. O gens sancta, quæ iisdem legibus undequaque conformaretur! O Regale Sacerdotium, quod illius institutis esset compositum! O Filii Excelsi omnes, qui a tam integro ductu non aberrarent!

His legibus non defuit vigilantia, ne tanta disciplina labore ac studio parta rueret adhuc, vel mores tanta cura revocati rursus in licentiam prolaberentur. Quapropter si necesse fuit monere ut legibus obtemperaretur, qua humanitate! Si minitari, qua rigoris & suavitatis temperantia! Si in transgressores animadvertere, qua iustitiæ & clementiæ convenientia! Ita sane ut multus esset ac facilis in beneficiis largiendis, parcus simulque serus in pœnis infligendis quam maxime. Integro enim hoc principio ducebatur, ne quis auctoritati per metum & pœnas subjiceretur, sed per Benevolentiam: Regula indubiè potissima, ut in suo jure diu leges teneantur. (a) *Malus enim (ut ait Tullius) est custos diuturnitatis metus: contra Benevolentia fidelis vel ad perennitatem.*

Quocirca non præmaturæ pœnæ lapsus illico comitabantur, nisi adhibitis antea humanissimis monitis, iis vero aliquoties repetitis, addita semper gravitate majori, donec desperata emendatione cogeretur animadvertere in noxios; idque si præstare adigeretur, semper in lapsu magni momenti, numquam in rebus parvi negotii, ægro animo, sejuncto, iracundia eliminata, ne ignarus Sacrorum Canonum, neve auctoritate abuti merito putaretur. Ex quo sæpe numero factum est, ut nocentes capti tantæ humanitatis illecebris libenter resipiscerent, Isque libentius rigori parceret. Res mira equidem, quod nulli esset invisus, ne illis quidem, quos ipse redarguit; & acceptus cunctis, etiam illis, qui pœna mulctati sunt!

Qua vero domo uteretur, edocebo paucis: ornata equidem quantum decuit Episcopo in omnibus moderatissimo. Primum enim ædium ornamentum id esse arbitrabatur, quod in Domini virtutibus & meritis situm est, & ab ejus dignitate deduc-


a) Off. l. 2.

ductum. Ita Cicero: *Ornanda est Dignitas domo, non ex Domo Dignitas tota querenda est: nec domo Dominus, sed Domino domus honestanda est.* Quapropter abstinuit gravibus impensis ampliare domum, ne a murorum structoribus jura pauperum violarentur. Quod cenfebatur dignum Episcopo, id erat, ornare domum frequentia Virorum sapientum, summa pietate adjuncta, quibuscum summopere delectabatur inire amicitiam & familiaritatem, quam semper retinuit, & custodivit tum necessitudine virtutis, cum integritate officiorum. Hujusmodi consuetudo mirifice profuit, ut adeo præmineret: optimorum enim amicitia ad altiora pervehuntur mortales; ne discedamus a Tullio: (a) *Ut quoniam solitaria non posset virtus ad ea, quæ summa sunt, pervenire, coniuncta & consociata cum altera perveniret; quæ si quos inter societas aut fuit, aut est, aut futura est, eorum est habendus ad summam naturæ bonum optimus beatissimusque comitatus.* Ecce quibus artibus Eminentiam Virtutis, proindeque Dignitatis est assecutus.

Sic domi parta honestate atque decore, ad ea quæ forinsecus studium ejus postulabant animum convertit. Ædes igitur Alumnorum, in quibus scientiarum elementa comparantur & morum instituta, novas a fundamentis excitavit ad decus & commoditatem aprissimas, simulque veteres sic amplificavit, quas incompositas ordinavit, minime vero quodam genio novitatis ordinatas subvertit. Quid hoc iis curis comparatum, quas erudiendis Alumnis in palam fecit? Præfecit ipsis doctissimos, piissimosque morum moderatores, totius Cleri lumina maxima, primum decus Ordinis, & pro meritis honore dignos ac reverentia. Quem subinde delectum Virorum ad erudiendam in scientiis juventutem non vidit Urbs nostra? A remotis regionibus clari nominis Theologos advocavit. Mediolano P. Lucchium, qui a Cremenſium Civitate, Theologico curriculo functus, ad Patavinam Academiam demigravit, perillustre Cathedralæ munus suscepturus; eoque usus est familiarissime Cardinalis REZONICUS nunc PONTIFEX MAXIMUS. Vero-

na

(a) De Am.



na P. Patuzium, qui Quæſitor Generalis Cremæ obiit præmatura morte ab omnibus adhuc deſideratus. Ab Auguſta Taurinorum P. Fabricam, qui confecto munere, ſuæ Provinciæ Præfectura fuit condecoratus. E Bononia P. Ferrarium, qui de Rep. Litteraria eſt optime meritus; quod auxerit novo Syſtemate Philoſophiam, Bibliothecarum ornamentum. His artibus florentem Clerum ſibi peperit, ſolitus ſuas delitias gaudium coronam decus ornamentum nuncupare. Proh boni Dii! Memores adhuc tantæ benevolentiæ & humanitatis, in quibusdam anfractibus conſtituti quoties repetivimus ſummæ ejus bonitatis argumenta: dixit, fecit, fuit. Scelus equidem eſſet immane Eum non diligere, venerari, & itidem deſiderare, ſi deſideria non cohiberet ejus Dignitatis Eminentia, ac non dedecet tantam amplitudinem in ſede adeo anguſta verſari; tantam præſtantiam inter immeritos.

Quos Canonicos ſibi ex Clero univerſo delegit? Certè graviores, & Doctrina ac Pietate principes. Adeo erat inter utroſque viciffim jucunda præſentia, ut communicatis conſiliis, ac officiis mutuis familiaritas maxima teneretur. Quoniam ſic inter domeſticos gerebatur, non impar in delectu quoad forenſes Præfectos. Morum integritas, prudentia, in Theologicis rebus peritia moleſtis ac inviſis officiis anteferebatur. Quapropter florentes erant eæ diſceptationes Ethicæ Theologicæ ad quas in ſingulos Menſes Clerus congregabatur. Præter copiam ſententiarum, quæ ibi pronunciabatur, addebat ſplendorem concio eloquentiſſima, quæ in Eccleſiaſticis Diſciplinis a Canonico Jure & Traditione deſumptis erudiſſime verſabatur. Complebat autem hujus ſeſſionis decus Præful ipſe, qui diſciles nexus problematum facile ſolvebat, & arduas plane deſiniebat difficultates.

Ea vero ſemper erit gratiſſima recordatio, dum prodiret in palam. Si in Templum Pontificiis ornatus inſigniis, quæ Majestas ſacrificiorum? Si in vias, quæ gravitas inceſſus? Si in Hoſpitalia, quæ admirabilis decoris, & dignationis convenientia? Si in mapalia pauperum, quæ mira eminentiæ & humilitatis temperantia? In Templo receptus, frequentia Populi


latiſ-

lætissima septus eminebat magis opinione virtutis, quam hilaritate vultus, ac serenitate oculorum. In viam paratus ad limina domus circumdatus a corona frequentissima pauperum, magnum hauriebat oblectamentum suis largitionibus magis, quam alienis laudibus, & gratiarum actionibus. Dum vero progrediretur, semper in caudata veste, & Canonico habitu, pedissequis gravissimis Viris comitatus, ne Dignitas, & Auctoritas obscuro amictu negligeretur. In Xenodochiis concioni suadenti ad miseriarum tolerantiam largitione addita liberali æque miseros solabatur, ac jucunda præsentia. In mapalia ingressus ægtos levabat non tantum pecunia quam humanissimis Caritatis significationibus.

Et quoniam eam esse arbitrabatur naturæ inditam vim, idest a beneficiis non abstinere: cum (a) *beneficentia nihil sit naturæ humane accomodatius*, cæteris pauperibus levandis summopere delectabatur, nullo modo, ratione nulla cohibente, quin in hac parte tantum esset effusus, quantum in reliquis moderatus. Quæ de re non solum opificibus largus supra mercedem pactam, præcipue si quamdam præferreant speciem paupertatis, ne suspicione avaritiæ parum æquus, verum immodicus in reliquos egenos, ne labe fraudis eorum, quæ pauperum, sunt affectus videretur. Hoc more ductus non satis putabat illis plurimis, qui auxilia reposcebant, largiri; verum ultro pauperes scrutabatur, quibus Ejus ope & largitione opus esset: præcipue vero eam curam gerebat animo, ut nulla eum lateret familia, quam ex Urbano genere puderet paupertatis, aut pudor domi cohiberet; ne nova calamitate per publicum quæstum premeretur, harum singulas clandestina liberalitate recreabat.

In his confiniis non tenebatur Ejus beneficentia: enim vero hyemali tempestate pigebat miserescentem Pastoris animum videre pauperes pro gelu contractis artubus per vias repere a necessitate coactos, quo viverent sibi adsciscere. Quare summo mane usque ad vesperras jusserat parari ignem in ædibus suis, ibique excipi quoscunque, qui hoc levamine indigerent, ac ca-

lesti-



leseri; & ne per diem reverti cogerentur, prunis injectis in vascula, quantas opus esset inde deducere: idque in singulos dies, donec tempestatis rigor mitesceret. Romam usque secum attulit hanc erga nos benevolentiam, et liberalitatem: nullus enim nostrum, qui illuc perveniret, & ad Eum accederet, dispensabatur, quin propriis Laribus fieret hospitii particeps, donec Romæ maneret; eique humanissima officia præstabantur, quibus Eo adjutore, quod contendebat assequeretur. Demum omnes, quos putabat suæ largitionis indigere, tanta pecunia donabat, quantam requiri pro viatico redditus arbitrabatur. Ut paucis multa perstringam: tanta erat magnitudo largitionum, ut constans opinio sit, bina millia æris signati, quod in singulos annos capiebat jure Dignitatis, invasisse liberalitatem in pauperes; Ipsum autem pro re domestica eam partem adhibuisse quotannis a domo repetitam, quæ paterno jure sibi debebatur. O beatum Pontificem, quem non momordit conscientia scelleris, scilicet de raptis Christo & pauperibus Nepotum auxisse fortunas!

Sed ad nos revertamur. Lætissimum recordari, dum incederet per flexus viarum cujuslibet ordinis viros intueri prodire domo, ac propere opifices ipsos ab officinis emergere, neglecto labore, ne religiosæ pietatis significatione, genuflectendi scilicet privarentur; & sic descendente in alium Xystum hujusmodi capere honoris argumenta, donec domi reciperetur. Maxima virtutum copia ac meritorum hanc obsequii diligentiam consecuta est, ac observantiæ.

Quæ & quanta sunt, quæ ad majorem pietatis, & Religionis cultum innoxit? Et meritum est, illas pias exercitationes introduxisse, ad quas omnes Ordines, sacerdotes primum, deinde Nobiles Viri, postremo Cives pænitentia causa ad plures dies congregabantur. Ei meritum est illam, celebritatem sanxisse in singulos labentis anni postremos dies, quibus adveniente vespere frequentia populi Templum ingreditur, concioni ad futura gratum animum excitanti in temporum Moderatorem maximum, & beneficiorum Largitorem optimum; hymnoque dicto Gratiarum actionis, & Supremo Numini in Throno


nò Gratiae collocato , gratiis eorum jure debitis persolutis ,
periodus anni clauditur religiosissimè . Sero nimis finis esset in-
ceptæ Orationi , si vellem singula recensere . Ea supersunt re-
censenda , quæ non magis sunt indolis Ejus , quam virtutis .

Dum solus secum ageret , merfus semper in profunditate
consilii super iis animadvertens , quæ conducunt ad justitiam ,
conferunt ad prudentiam , juvant pietatem , adversantur li-
centiæ , tuentur leges , mente ac animo versabatur , eaque
meditabatur , quæ sunt ad communem religiosæ vitæ felicitate-
tem . Meritò possemus de eo id repetere , quod de Scipione
Africano Julius (a) : *Numquam minus solum , quam cum solus
esset , nec minus otiosum esse , quam cum esset otiosus* . Dum vero
in societatem rediret , jucundus semper ; cum miseris facilis ad
commiserationem , cum noxiis procul alienus ab iracundia ,
cum molestis patiens , temperans cum jucundis , cum reliquis
tandem exemplar & imago virtutis . In difficilibus rebus num-
quam irretitus , in arduis numquam fessus , in adversis num-
quam fractus , in prosperis numquam elatus . Pudeat veterum
Philosophiam , cujus Socrates , Leucippi , Cleantes , Epicæti , Pa-
nephii novum , quod discerent , in Ornatissimo CALINI animo
comperissent .

Heus nos miseros ! . . Verum quo nos rapuit caliginosæ illius
diei recordatio , qua hanc Urbem reliquit , ut navem sine nau-
ta , velis , remige , fluctuantem ? Parcant Dii , ad me revertor ,
Clara nimium , & serena fuit illa dies , qua Romam profectus
est ; & in fastis CALINIÆ Domus connumeranda : hodie vero
faustissima nobis , quoniam illuc transvectis a felici Nauta ma-
ximis mercibus meritorum , tranquillo Portu potius præmium
retulit dignitatis .

Si libet hujus subitæ profectionis naturalem causam sciscita-
ri ; certè anceps : si altiore ; certè divinitus : si vero a me
in te hac meam exquiritis sententiam ; eam esse non diffiteor ,
scilicet quod amplissima tanti Præfulis merita manendo inter
nos nimis angusto septo continebantur ; erumperent aliquando
neces-

(a) Off. l. 3.



neceſſe erat; proindeque Roma adeunda, & fortè citius, ut in oculis ſupremæ Eccleſiæ Potèſtatis facilius clareſcerent, & ab Aulæ Proceribus noſcerentur. In altiori Cælo Sidus hoc erat locandum; ne in anguſtia loci perſtriſtum lumen luceſceret paucis, ſed inſitum altius in Orbem effunderetur.

Non ſtatim Romæ receptus eſt, quod parum interfuit ſpæ-
tii, quin tantæ Virtutis nitor in ſe omnium concitaret obru-
tus, & magnopere admirarentur. Primus omnium BENEDI-
CTUS XIV., lumen illud totius Orbis, ſapientiæ prodigium,
maximusque cognitor meritorum, novit CALINI præclarum in-
genium, magnum animum, ſapientiam ſingularem, pietatem
maximam: novit peritiam in Politicis rebus, prudentiam in
gravibus, penetrationem in difficilibus, conſtantiam in ardu-
is. Quare nil mirum ſi eo cæpit uti familiariffimè, ſi mu-
nitiis plurimis condecoravit.


Quamprimum Antiochenus Patriarcha nuncupatus in ea Se-
de collocatus eſt (felix augurium), in qua Eccleſiæ magni-
ficentiſſimum decus initium reportavit. Ut tanti beneficii
maximum munus par gratia obſecundaret, quam diligentiffi-
mè ſtudit, ut hic honor obveniret Ei, qui largitus eſt; ſci-
licet ne Dignitas male locata videretur: ajebat enim Cicero
(a): *Benefacta male locata malefacta arbitror*. Quanta propterea
Pontifici Maximo præbuit argumenta gratulandi ſibiſmet col-
latam Dignitatem! Cetera Munera, quæ iterum, atque ite-
rum ipſi contulit deinceps, id declarant dilucidè. Inter reli-
qua ea recenſetur Præfectura, qua Apoſtolica Vicaria Aucto-
ritate functus eſt in Virgines, quæ ſeptis receptæ Deo Opti-
mo Maximo virginitatem, animi candorem, libertatem, vitam
denique caſtam devoverunt. Si in hoc munere vigilantia, ſe-
dulitate, labore, tollerantia, comitate, prudentia, pietate, ſa-
pientia, animique robore opus erat; quis CALINO aptior de-
ligi poterat, qui his cæteriſque ingenii præſtantiis erat poti-
tus? Si inexorabilis mors tantum Pontificem diutius reliquiſ-
ſet nobis & Orbi, hoc idem certè, in quo exultat Oratio
mea,

mea, citius esset affecutus.

Verum laudes sint immortales CLEMENTI XIII. Pontifici Maximo, quem divina largitio donavit Orbi, ut in lætitiâ communem verteret tantæ jacturæ mœrorem: quoniam sicut in reliquis, ita in emeritis remunerandis par Præcessori suo, in eandem sententiam ingressus est, id est CALINI meritum augere dignitatibus. Quare in hac versatus diligentia, ut amplissima sibi obveniret, statim ac nunciatum est Commendatorem Sancti Spiritus loco excessisse, sine mora CALINUM sufficit. Eandem Hic pro accepto beneficio referre gratiam arbitratus est, quam retulit in cæteris; idest diligentia, labore, studio in explendo munere suo de Largitore optimo benemereri. Innumera sunt, quæ excogitavit, egit, complevit, non tantum ne inutilis, sed ut necessarius videretur. Illud solum commemorabimus, ad latus Xenodochii tantam ædium molem excitavisse adeo utilem, necessariam, ac eam magnificentissimam, ut merita sit nova Nominis excellentia nuncupari: *SUBURBIUM CALINUM*. Proh providum consilium, ac propè divinum! Ætas futura, & remotiora æva cogentur tanti Nominis recordari: & illac prætereuntes, & Suburbium vocitantes, quoties hac capta occasione commemorabunt quæ tantus Vir in memoriam reliquerit Posterorum? Plurima sunt Romæ, & alibi id generis: Via Appia ab Appiis veteribus condita vel aucta; Cornelia a Corneliis, Pons Xistus, Colonia Agrippina, quo factum est, ut hæc perseverarent Nomina ad perennitatem. Verum hoc maximum interest discrimen inter plurima veterum, ac novum hoc Monumentum posteritatis: In pluribus turpis fama, vel obscurum nomen revocatur ad recordationem; quia sæpè turpes, & caliginosi conditores; in hoc verò præclaro Monumento illustris reviviscet recordatio ex clarissimo Nomine Conditoris, & splendore virtutum, & gloria in rebus gestis, & magnitudine meritorum.

His igitur aliisque permultis promeritis, in oculis Romanorum, ac præcipuè Pontificis Maximi collucentibus, quis potuisset anteire CALINUM, ac valuisset excellere, quin primus in Cardinalium Collegium vocaretur? Id juremeritò placuit

CLE-



CLEMENTI XIII., vota bonorum optaverunt, Clerus Cre-
mensis memor humanitatis ejus, ac beneficiorum jamdiu de-
sideravit, virtutes ejus, ac merita cum summa nobilitate a-
nimi & Generis conjuncta exquisierunt, ne deesset virtus
nobilitati, virtuti nobilitas.

Quare si de Eo nemo quæri potest, ut Nepos questus est
in Trasybulo : *Nescio quomodo, cum nemo anteciret his virtutibus,*
multi nobilitate præcurrerunt ; videte, Ecclesiæ Principes, quem in
vestris subselliis Dignitatis consortem habeatis. Illud maxime
Vobis advertendum censeo : in maximis rebus agendis, in ar-
duis negotiis gerundis, in gravibus curis sumendis Ejus uti
consilio gravissimo, auctoritate, sapientia. Hoc Duce quantum
spei relinquitur Vobis, ac toti Ecclesiæ, fidelis Orbis tranquil-
litatem, cujus maxima pars vestræ curæ demandata est, atque
nititur, fore tutiorem !

Quoad me, faxint dii, ut tantum mortalis hujus vitæ lu-
ce perfruar, ut ipsum aliquando ad Summi Pontificatus Gra-
dum, si supremo Numini placuerit **CLEMENTEM XIII.** (quem
diu servet nobis) ad meritorum præmium, & a laboribus se-
culis ad tranquillam quietem vocare, evectum auribus exci-
piam. Certe fortunatam vitæ meæ, licet ærumnosam, dierum
seriem ac diuturnitatem putarem : exclamaremque, ut mihi
videor, pro jucunditate nuntii, vixisse satis.

At vero quo ad Vos puto, hoc idem Vobis, ac ego sentio,
pro Ecclesiæ bono universo, pro votis bonorum omnium, pro
Dignitate vestra esse sentiendum. Propterea a Vobis opto ;
quoniam Deum Optimum Maximum ita velle confidimus, sic
placet Superis, exoptant omnes boni, negotia Ecclesiæ Dei
expostulant, & præstolatur fidelis Orbis hunc Pontificem
Maximum colere, ac venerari ; quoniam apud Vos est jus
suffragiorum, ut Ipsum concordii consilio, unanimi Auctori-
tate, paribus calculis in suprema Petri Apostolica Sede vestris
manibus collocetis.

FINIS.

ERRATA

CORRIGE

Pag. 3	lin. 8	placatiorem illud	placatiorem, illud
5	13	deneger	degener
6	11	aufisse	hausisse
ivi	16	perjucundus foci- is, satis carus invi- dis, tantum mo- lestus	perjucundus, fociis satis ca- rus, invidis tantum mo- lestus
ivi	28	Prætextu	Prætexta
ivi	35	incæpto	incepto
7	1	lungum	longum
ivi	29	Cristiani	Christiani
8	4	negozio	negotio
ivi	9	In	in
10	33	celebratas	celebratus
11	24	animo, sejuncto	animo sejuncto
ivi	25	nove	neve
13	7	delitias	delicias
14	3	circondatus	circumdatus
ivi	21	quæ pauperum, sunt affectus	quæ pauperum sunt, affe- ctus
ivi	31	pro gelu	præ gelu
15	5	accenderet	accederet
ivi	28	Et meritum	Ei meritum
ivi	31	illam, celebritatem	illam celebritatem
16	11	Julius	Tullius
17	30	tollerantia	tolerantia
18	6	quæri	queri